

嗜福戀慾亦夫制反攻擊上音類頴反下昨焦
辟瓊瑣上古回反態他代反

漸備一切智德經卷第三

戊五

西晉三藏法師竺法護第一譯

難勝住第五

金剛藏曰又有佛子菩薩大士已能修治第
四之住四住已成轉得前進第五住地當行
十意乃得通達何等爲十念於過去諸佛之

法亦思將來諸佛之法復惟現在諸佛之法
修戒清淨其心鮮明消滅諸見六十二長曉
了求道亦行清淨所行聖慧悉見清淨剖判
一切三十七品上妙之法亦復清淨開化衆
生所行清淨是爲十事金剛藏曰又有佛子
菩薩大士得第五住然後乃成修善妙業有

行三十七品心甚清淨道業益勝所誓寬弘
因所願力親近如來慈愍群生未曾忘捨積
功累德合集聖慧精進殷勤而不懈廢善權
方便將導不逮而常好樂住妙暉曜密喜如
來所建立義已意已入佛之勢力所念專惟
意不退轉如審解了是四聖諦是爲苦諦集
諦盡諦道諦彼能究竟至誠名德分別聖諦達
其原際曉了諸相真正聖諦其無方便隨順
宣布解了真正分別是諦因行聖諦也剖
判其事所受聖諦又復能行悉解知事正業
聖諦次復宣布行道聖諦敷演其意盡無生
諦體解得入諦智道業皆已普入諸菩薩住
成就遠近乃至辯才如來大慧散去結惱班
宣聖諦又復能化他人心念咸令可悅曉了
隨曉究暢聖諦已能得入一因道義輒便曉
了達斯原際真正聖諦也覺解已相則能曉
解諸相聖諦解知志性之所歸趣則達五陰
諸種衆妄情蓋別處所生皆因聖諦度了興身

衆惱之患。曉苦聖諦更歷周旋縛結拘閑然後乃解集盡諸諦原一切永滅諸熱焚燒然後乃解諸盡聖諦也初無二言所宣如義然後乃解道之聖慧皆已覺了至如來慧然後乃解真集聖諦信明慧力曉諸不盡令苦無餘彼若分別諦計如是方便降伏生死之原

解達一切所從生處因由斯法虛偽愚癡所爲不眞諦解本末益愍衆生親近大哀在世興發無極之慈已能致此慧力道財普護群生好樂佛慧觀本昔來生死所趣察其始原衆生所從致是無明三處思愛漂生死流陰蓋所著爲之動轉增益苦陰若能解達無有

戒五

二

衆生無我無人無壽無命已離吾我皆悉了是如過去事當來現在亦復如是慕樂虛無愚癡之業生死周旋而無斷息永無邊際無將護者復無所知彼無師友雖有師友不受道教乃爲無智癡冥凡夫眼蓋所縛不可稱計自滅諸我方盡當盡不復起身亦無所生

戒五

不信佛道轉復長益勤苦惱患反爲生死所見漂流不捨陰蓋不厭四大不拔貢高諸見瘡病不別姪怒不消無明窈冥之室不竭愛欲漏池之難不求十力導師之業入在魔行墮于生死返覆之海無善之相去於自在如是苦患不可稱計永而無護無所歸無救濟無利義一己身無輩伴當以修行如是衆業積功累德每生自剋因能修慧已能速解一切衆生究竟本淨方成十力暢無爲慧巍巍明曜如是垂慧意已覺了得道成就所可造行積功累德皆爲衆生而興立護愍傷群黎普安衆生垂哀一切欲度脫之無娆害心不誹謗之勸化衆生靡不歡悅爲之導師而今滅度彼勤修已住於第五難勝之地由得自在心無所忘曉達善行處處之業志堅堅強善分別慧其意普至解經次敘章句之詔意懷羞慚彼我皆護其意勇猛將養禁戒隨無所犯意中明了宣布處處所當由正行周入衆

聖無所戴仰往返知慧以宣暢義隨時散布得神通行詰屈方便而顯道化修行善權隨俗而導積功累德常不厭足慕求道慧未曾懈廢奉無極慈合集愍哀意不怠倦求于道業不以閑退精進勤勤務佛十力無所畏慧諸佛之法十八不共常以善行思惟深入莊嚴佛土立若干行合集積累諸相種好常行精進志求如來莊嚴清淨身口意行修無極業敬尊奉戒順諸菩薩重衆法師無所危害以諸菩薩善權方便普遊世間夙夜一心捨他之念常以道法勸化衆生能修如斯以布施業勸導衆生愛敬利言大利濟彼等救群黎乃復示現色身之形爲班宣法因而遵行菩薩如來大業以開化衆乃復覩見生死瑕穢稱揚諸佛聖慧功勲能行如是以大神足變化感動以若干種善權之誼唱導衆生而教化之已能精進如是化者入於佛慧心性行道以不退轉修衆德本勤求殊特正真法

矣愍傷衆生其有遊行處於世間書疏經典印綬衆會計校守府諸身種大所應療治醫藥衆病寒熱羸瘦鬼神所燒中毒狂病若有追逐所在療形合偶技術跳越調說多所歡悅郡國縣邑江河泉池樹木華實所生藥草金銀明珠玉水精瑠璃所現衆寶日月聚邑村落居家田地勤眠寤所夢惟應所入一切衆身形像所在諸相所應所當修治謹慎遵行財業貨物神通無色以無放逸四等心行所造專精而無危害愍衆生因修求安彼以此行政傷世間稍漸立之諸佛正法能化立之難勝菩薩道地供養奉事無央數億百千兆載諸佛衣被飲食床卧坐具病瘦醫藥在如來所棄捨家業出爲沙門於諸如來聽受經典成爲法師又復重聞逮得揔持無數億垓百千劫中興顯德本究竟清淨又如佛子妙寶碑碣共合相近轉相照曜菩薩如是住於難勝開士之地以此德本修善權

慧道義遂高加以大乘應造功勲所行無侶
猶如佛子村落之中有夜光珠普照田地如
雲風遍吹浮遊轉諸天宮殿菩薩如是得離
勝住以是德本善權智慧心行普入常處在
世無能亂者是諸菩薩大士之業第五地住
菩薩住此多所悅可若為天王降伏一切衆

邪異學有興立者布施愛敬饒益等利見衆
生念未曾心離諸佛行法乃復普憶思念諸
聖一切智業以何方便家濟衆生乃至巍巍
無極道堂發意之頃須臾精進一時之間逮
不可計億千三昧見衆菩薩無數百千眷屬
圍旋論經說誼於彼得度建立茲力咸成菩
薩殊特變化無能稱計限量其德乃至如是
億百千劫莫能答嗟暢其功勲時金剛藏菩
薩大士欲重散此經典之業便詠頌曰

第四禪曜住甚清淨如是其意已平等
思惟三世事斯心行禁戒道德修清淨
發意頃離結轉入第五住而意念諸根

若聞不迴轉以有四意止
已超遊五力一切無所壞則勇猛周旋
因得第五住慚愧為衣服清淨禁戒香
覺意成華蔓禪思為塗熏遵奉智慧業
道尊自嚴容持持為範固定意平等行
四神足遊步意淨為體元慈心愍哀眼

五

殊妙見聖慧攝持無吾我其意伏塵勞
使得入第五人中師子住適得入第五
特異之道地造業以清淨修行轉復上
若能淨志性轉求最勝誼憐傷眾衆患
思惟離意念積累功德本興發無數衆
照顯行道地爲佛所建立

念無慢聖意曉了自然解不廢四正諦
究暢真諦誼將養護衆根若分別真正
輒復度諸諦如是消著意并及行道諦
等志而導明乃至無罣礙以微真雅心
修治若斯諦智慧脫門尊不惱無陰蓋
已修功勲本行慧甚廣遠超度衆因緣

濟一切群黎 其懷真實意 成就如是諦
 親自暢解之 達本淨無要 慈愍無所得
 余乃爲安住 思衆生勞患 求衆祐道慧
 勤觀其造始 本原之所從 愚癡由闇冥
 閑在恩愛種 衆生貪取陰 便成苦惱身
 已遠無吾我 察之如草木 從勞塵致有
 數數往諸趣 猶輪轉無際 衆苦患感惱
 嘴呼忘失已 衆人可愍傷 愚懨之所焦
 生死流不返 五陰情猶牛 諸種邪見墮
 火然燒其心 志貴於闍冥 墜于愛欲河
 方慕求明顯 勵在勤苦功 時求最導師
 以見如是難 當修無放逸 諸所遵行業

皆用度衆生 志強性行安 遊步有氣勢
 既勇懷慙愧 曉了成智慧 積功德無厭
 聖尊行如是 清白法無倦 力勢是其意
 是最勝福田 宣音覺意相 所作無飽滿
 精進衆生欲 化衆生故 因往入工匠
 或畫師刻印 計數人療疾 像如鬼邪蠻

由以轉除病 立之於經要 解覺樂慈愍
 合偶作賦頌 若干種戲笑 流河及園圃
 浴池樹華寶 建立無數業 以用安衆生
 現無量像色 衆珍寶若干 取地令動搖
 則觀日月光 衆生乞乞相 遊諸國處所
 無色財爲勝 神通不可量 欲以修愍哀
 普安于衆生 於斯謂難勝 珠妙智慧業
 供養億載佛 因聽受經典 披等修性仁
 清白行遂顯 猶紫金車輿 磨治平明好
 其主衆寶成 宮殿轉遊行 此風轉之前
 無有違護者 如行世俗法 然悉爲衆生
 遊是覺明侶 菩薩蓮華在水 乃是麁兜術
卷五
 所建造豪尊 違捨異學術 論修歡悅事
 所行衆善德 皆由最勝慧 救護于群黎
 因致十種力 等尊遠威勢 精進爲無上
 見若干億千 安住天中天 得殊妙三昧
 觀察億國土 所願差特故 復過是功勲
 是第五住地 若干億品術 御化衆邪說

顯已羅衆生

時諸佛子聞班宣此諸菩薩行從地踊上住虛空中歡喜雨華明月珠寶瓔珞衣服光明清淨供散佛上口歎善哉一切神明處虛空中百千之衆莫不踊躍時諸天下殊妙雜寶真奉衆祐香華塗香縉幢幢蓋諸魔眷屬自

在天子諸天俱來在於其上邊步虛無兩諸寶華其心悅豫供養最勝意抱無量口宣善哉諸佛之子衆神皆集無數億千亦住於上鼓樂妙樂其音清和又一切妙暢如斯音佛響仁和棄離惡塵本淨在寂消衆法想猶如虛無等無思念行步清淨住立成就不著於俗永無放逸無本平等而悉真正法無想念若有曉了諸法悉無則成無本無所有業轉無所思懶傷衆生精修救度是爲佛子法王諸子修布施行皆捨想著其戒堅固心性恬怡爲衆生忍無盡法慧授精進力令諸法寂入禪定門淨除衆塵染諸萬物信解空無聖慧

戊五

十

力成爲一切護是諸佛子高德除穢如是聲有百千自然宣柔和音最勝大聖尋默然時諸天玉女衆如食息還復天上金剛藏歎志勇猛化得行成第五住地遂致究竟莫能廢哉

漸備一切智德經目見住第六

金剛藏曰諸佛子聽菩薩大士已能修成第五住者輒超進入第六住地則行十法何謂爲十了一切法皆無有想而普平等諸相平坦無形類悉無所生超絕無侶皆無所起故曰平等爲其清淨調定真正皆無放逸不爲馳騁無應不應無雙無隻寂寞亘然而無倫匹猶幻夢影山中呼響水月現像等亦如化所行道業而無二意是爲十法從第五地逮第六住作是行已自然觀是一切諸法計校思惟返覆察之不令錯亂近第六住自然自見以達成此則得通利柔順法忍不從迷惑尚未遠近無所從生法忍稍以近之能致

自然入於一切諸法處所轉能進前致於大哀爲學元首顯曜大哀具無極悲解卅五趣有無合散以觀如是名第六住乃暢世習所可由生皆從倚已吾我所致以覺欲事出無所有懷民意者倚著吾我因其無智而成癡冥慕樂生處習不順業志務奔逸反邪之行積累若干罪福與衆萬物無常由無益生解

是所行心善自修消除諸漏至真本無其發善德故當還返周旋生死報應之地所作是田神識是種無明之本則是闇冥愛是潤澤貢高自大是其志性長養諸見羅網衆結便因得是自生名色轉增名色則成諸根諸根

庚五

八

已成起若干種所更習事習事已起便有痛癢從痛癢故便有喜樂則益所受已益所受輒成所有發念令成已成發念因成五陰五陰之形尋至五趣漸稍生著已生諸著衆倚悉備由是發趣惱熱燒炙一切憂感啼哭之苦諸不可意致習惱患諦計彼事亦無往習

庚五

九

自然無業本空無形不了得習無亂別者皆復自然稍習無益故致得此有解斯義便無所慕矣薩如是樂于柔順觀十二緣則自思惟以是至誠是所生識究竟無慧無明之業本為清淨成行報應所行已成神識在先神識之侶有受四陰則致名色迷惑之事諸衰六入諸根境界轉成神識因為同伴與諸漏更更成痛癢恩愛適長益於所受以御所受剝成漏業從所作生興生身陰斯生之內因致老羸身陰散壞致於死亡與愚冥俱甚可忍畏此從危害至住結網致口言辭其生五根苦起意根從其憂愁多所懲思因成受有以是緣故退生若樹造立所作彼自思察由倚所作是知所作方當作者計彼有作則無所作本末無根也亦不可得又復思惟其三界者心之所為其計於斯十二緣起五趣所歸如來至真之所解暢又此一切一種一心

由神識生死之癡因從無明其名色者心爲伴侶而立迷惑從其名色名色已成爲六衰入從致所更爲痛癢侶痛癢意愛所以有愛從不捨愛發起衆難由此緣合而致所有因倚致生其興羅網誓願老死從神識中因致此有別知名色緣對而其名色各各有趣六情衰入已觀已界能令寂寢更習緣故從其更習意念致之生痛癢緣從痛癢故便復作行善惡好醜從因愛緣致樂塵勞貪姪之事從愛緣故致結縛獄從有緣故致於他生生現在處不可解從生緣因發生五陰本致老之緣已致老耄諸根便熟則致死亡已至死者有十二事發緣起數其身陰壞而不能斷未曾永絕從無明緣則致衆行名色六入習更漏愛受有生老病死愁憂憂啼哭無明緣故無有斷絕不可究暢如是有餘無明適消衆行便減由是有耳如是有餘彼以無明恩愛所愛長益塵勞無斷絕時及行所作往返報

應報應展轉根無枝時盡其餘殃者苦痛宛轉亦無休息以無明矣爲去來今現縛流布宜當斷絕如是三轉三轉無我以離吾我無明滅去自然之業無有處所猶如葦屋若他清淨若苦衆惱無明之故則有行矣是爲本宿未曾諸痛因其識故乃致痛癢是爲現在之痛癢行也從愛致有是爲將來痛癢之原從此以上則無所生無明適消衆行便滅亦爲斷絕有苦三患十二報應從因緣起彼從無明致千六八是能滅行衆行已滅因是別致衆行如是有餘二事自縛苦更痛癢尚有餘盡別離之苦無明適消諸行便滅三苦永斷從無明故致諸行矣從作緣故致衆行耳如是有餘無明適消衆行便減是爲所有一切諸行有是餘故有無明行以權方便開解大縛有是餘故而有輪轉彼當以故觀十二緣起滅所趣返覆察之由從因有勤勤倚著御身口意因自作緣供養所致無有生業其

戊五

三迴轉使不復轉宿本無痛習以三苦修行報應諸緣起耳假如有人舉其負責而在解縛觀察無盡無所有盡彼觀此緣緣適起時識當來事悉當了之無我無人無壽無命自然爲空寂然恬怡有所造作因遭得報達空脫門心性懷此如是滅盡以無有餘現在之處所也思惟專志無相脫門以故知之無所慕樂惟志大哀教授開化宿本衆生是爲心抱無願脫門以能奉行是三脫門則以消除彼我之行及見作想去於有無諸想之著復加進抱大哀爲無益使精進化諸凡夫未成道者使得究竟暢以能成就輒達法會轉通法會不復退還具備和同以進仁和成就不退若覩如是所生瞋結瑕穢之病由此合會通以合會致此衆患猶如江水流無休息心自念言不用餘行永修寂然開化衆生如是佛子若能行此處在無限殃毒惡出導御自然觀本淨者不起不滅遵奉大哀化順衆生行

智度無極等無礙慧門漸備孰悉學至照曜合會道明成慧如是正道大業導利應時服食道義不與邪業而俱合會因僉觀察自然寂滅亦不住彼道品具足親自觀解目見道地便入於空惟解定意其定意名入空自然空定究竟空定第一空定爲無極空定意爲

戊五

十一

合會空定意所奉行空定意真無念空定意爲等察空定意離業無物空定意如是比像逮得一萬三昧門自然目前無相無願亦復如是轉復進備親近逮至諸菩薩住其心充滿性不可壞心性了了性行真正其性深遠意不可轉意無休息其意弘廣心思無限意慕樂集其意集會善權智慧尔乃備悉此菩薩性遂致淳和在如來道求不迴轉能化異學一切邪術等順慧地不墮弟子緣覺之地專一增進目見佛慧而無等倫捨魔勢行得堅固志住菩薩慧而熟修奉空無相願遵承法教隨時應宜善權智慧不復毀散道品法

行彼住菩薩目見道地智度無極益復超異
今日成就通利應道疾遠第三忍名曰柔順
是謂道法轉而順從彼以住此目見菩薩第
六道地見不可計億百千妓兆載諸佛尋時
供養下意奉事進其衣食床卧坐具病瘦醫
藥在諸佛所出家捐業行作沙門受聽經典

如所聞之奉行智慧勤修聖達所行求義即
能遠致轉修學進如來法藏遠大法明在不
可數億百千劫北載無限成功德本遂顯巍
巍猶如佛子上寶琉璃洗治發明其光灼灼
菩薩如斯住是目見菩薩道地其德日增行
善權智益加顯發以此德本轉增寂然遊步
無侶猶如佛子其月大光照衆生心使各旦
然其四大風所御宮殿獨而無侶菩薩如是
以住目見菩薩道地德本日增照除無數衆
生塵勞拔愛欲瑕撲凹魔徑獨步無侶是爲
佛子菩薩大士以近目見第六菩薩所逮道
地遵修住此善能變化設爲天王其四大者

觀之降息獨步三界而無儔四聲聞緣覺不
敢諮詢所行德本布施愛敬利益等利化眾
生最第一願努力堅強導御開化成其普智
發音之頃如是比像無極精進須臾之頃遠
致德百千諸三昧走開化無數億百千妓諸
戒五

十一

十一

菩薩衆觀諸眷屬菩薩願力而有殊特有所
威勳莫能稱計行若干億百千妓劫不可爲
脩時金剛藏菩薩大士欲廣解散此義所歸
即說頌曰

已能具備悉

第五之道地

因法爲瑞應

無想無所生

不起甚清淨

以爲無放逸

奉行聖慧意

便入第六住

諸法爲寂寞

靜然無想念

自然猶幻化

解脫於生死

以致柔順忍

法目無所亂

其慧轉殊勝

則勤修六住

聰達住柔順

頻入明慧力

觀察一切世

從習而有報

由愚癡育真

而有已人物

欲度脫斯等

故興修勤行

從選擇因緣和會致訛亂選擇親近衆本末爲明真乃成五陰苦從思想已故

本末采爲空
猶若有所作
猶如蜂採華
思想緣罪福
名色爲伴侶
因其心我所
十二悉一心
有盡亦如斯
造立十二苦
如是之所致
由當盡更壞
思想若消滅
而緣致塵勞
從諸入致癡
從苦復至苦
斷除衆苦惱
亦無諸想念
用當來變行

所作緣報應
便覩造所見
假使慧少之
得報以礙果
如是致有難
墮入在三界
從貧姪而生
後為心所誤
愚冥之因緣
老病俱散身
從疑無明緣
因緣則斷除
勤苦之惱患
故有生死苦
有復餘受身
則乃無苦我
其神識所更
故成諸苦惱

有所消滅者
自然成骨子
緣其因緣故
自然爲永空
遠之乃盡衰
解之虛無想
有計諸所趣
從本來度轉
無所有除盡
所入暢平等
如夢之所覩
自然猶野馬
其大志寃弘
思樂佛功勲
無諸情惑患
識本百千劫

觀之所求盡
因其忠誠故
於是斷諸緣
柔順及思冥
蒙此皆斷緣
密省十事外
罪福處未來
割判三苦行
柔順解因緣
譬如有現幻化
形影亦如是行
其解如是行
奉此無妄想
惟欲願愍傷
如是行脫門
勤修憂衆生
逮無量功勲
勇猛士如是

由愚心癡因緣
滅除衆因緣
觀諸卑賤士
承其行業
深妙之因緣
了其不可別
其財業三品
起滅之處所
因緣起如是
受欲業若斯
冥駛愚癡類
彼智乃了空
一切衆生類
以能了如此
心轉加慈愍
實思察其無
承空三昧具
無相亦無願

建立斯道業
脫門爲善寶
應寂然除憤
益增加清淨

以照衆生意
獨步無等倫
柔順尊法忍
如是性寬弘
志順最勝命
猶珊瑚紫金

雕治益光榮
猶月之弘光
四品風遊行
最勝光美妙
供養於大聖
逮成覺意定

淨第一之利我等已聞所暢道地時諸伎樂
出悲音聲諸天王女心懷踊躍於彼諸天承佛
聖旨令諸門戶皆自爲開除衆闇冥心解如
猶如蓮華愍傷群生其行超絕不可稱量大
神妙天在虛空中散兩殊妙衆雜華香消除
鹿細塵勞憂疑領宣奇異上好音響逮最清

消滅衆塵勞
宣布此慧住
所可奉聖慧
聲聞所不逮

宿世已獲致
十方諸現佛
微妙深難了
第六之道地
勝聲聞不及

天師大鋸燎
善化立道意
演章句所講
勇士已超越

已逮安住業
億百千三昧
須臾見無數

數諸佛國土供養諸佛奉衆導師自察其身
憶如最勝棄諸瑕穢慧得自在開化衆生無
彼我想奉精進行應所行業諸天玉女一切
皆樂寂默之義觀人中尊衆會悅豫啓曰衆
祐爲供養佛身自在已願說殊特正法言教
功勳如海惟時宣之顯第七住

清淨具足可敬功勳之聲善哉上最思惟利
義累功積德慧得自在殊勝之行為最巍巍
瓊砂大藏經

金剛藏曰惟佛子菩薩大士已能淨治第六
卷五

道地具足安住入第七地行善權智則有十事修玄妙道何謂爲十謂行止事無相無願所遵真諦成就忍力愍傷慈哀念于衆生奉行佛法樂供如來篤信無違心抱慧門常順空義積功累德無窮之福解三界虛在於三世勸化群黎永已消穢所由恬怡除一切塵穢然之談欲消衆生一切貪姦瞋恚愚癡曉諸所有如幻如化如夢影響野馬水中之月而無有二罪福之事終不腐朽意念國土猶如虛空開導衆生莊嚴國土法身清淨懷來至義得入一切諸佛名号具悉色身諸相種好而自莊嚴行無所著離於音響信如來聲色身現若干形解不可計衆生根性入不可計諸佛所宣音聲言教可悅一切入不可計衆生所思若干心行入不可計諸佛大聖導利慧堂入不可計諸佛應時化利聲聞所歸篤信樂不可計諸佛所宣好入道教遵習開化不可計數緣覺之衆使得成就入不可計本寂清淨解群黎音道利莊嚴一時之間覺了三世入於諸佛世尊之業又能普入若干時劫分別諸數剖判衆生志性所行是爲十事修殊特道從大道地至於七住名曰玄妙是菩薩大士當勤修學善權方便智度無極因彼得入第七道地住第七地勸化無數衆

生之類以用諸佛無限之法教授無量衆生之惱入不可思計諸佛世界嚴淨無數諸佛國土入不可思議若干品藏經典之教入不可計諸佛正覺聖慧道業下入無量不可計劫入不可計諸佛所行去來今世勸不可計衆生之類令入篤信殊特之行入不可計諸佛

色身現若干形解不可計衆生根性入不可計諸佛所宣音聲言教可悅一切入不可計衆生所思若干心行入不可計諸佛大聖導利慧堂入不可計諸佛應時化利聲聞所歸篤信樂不可計諸佛所宣好入道教遵習開化不可計數緣覺之衆使得成就入不可計諸佛至聖深要之慧所演道門入不可計諸菩薩衆開士之行頌宣諸佛不可稱計大乘之業所布道慧斯等自謂是不可計及遠佛名諸平等覺玄妙之地所行殊特不可稱限乃至若干無央數劫億百千劫乃能積累如是佛法自謂我等建立此道不貪財業無想

不想具足衆行如斯諦觀緣神通慧常行精
進入於道行善權智慧善住聖道所行無動
一時閑靜奉行道教未曾懈廢自恣所欲其
行如是巍巍之業坐起經行卧寤言談默然
無益當立威儀不忘一切不離若斯念道之
行彼發意頃心一念間備積菩薩十度無極

普累功勲所以者何菩薩大士奉修如是所
在發心與無極哀以爲元首合聚佛法勸如
來慧以是德本施於衆生習於佛道是施度
無極燒滅衆塵是戒度無極若能愍慈無盡
之慧知衆生元是忍度無極若能勤行衆德
之本習念救濟一切衆生行是方便是爲進
度無極其不捨道向一切智是禪度無極若
了本淨自然之行無所生門逮得法忍是智
度無極若能導利無量聖慧益於十方是權
方便所度無極若能修行極上妙智宣于道
業是爲誓願而度無極降除一切諸外異學
伏魔兵衆是爲努力而度無極審如至誠越

一切法廢非義行是爲慧度無極以是具足
斯十度無極輒能宣備四恩之業具悉三十
七道品之法至三脫門常平等心一念之頃
漸漸普備成立如是有菩薩名月解脫自
致究竟時間金剛藏菩薩大士菩薩之行以
何等業一切具足第十道地欲悉能備成菩
薩道必當學進至十住乎答曰佛子一切菩
薩菩薩行道皆當具足十住道地因是濟脫
何況於斯七住菩薩所以者何又是佛子菩
薩道地行已具足入神通慧普能具足一切
道品亦復成就一切十住具足十住勉力解
脫從一發意備斯七住所以者何是爲佛子

庚五

七

菩薩道住具足諸行備慧神通又有佛子從
初發意始第一住一切誓願漸以親近具足
道品心好第二次至第三弘要之業達法光
曜第四道地順從之業第五光明隨俗之行
入於第六深妙之法勸立一切諸佛之法所
以者何若有菩薩成就七住入神通慧轉在

八住具足究竟無瑕穢無家業地猶如佛子有二出界一者瑕疵二者清淨本際平坦一等清淨所度一等其兩界間不可越度以大神通至力願力乃可越矣智定佛子菩薩當以至勤清淨開士之行乃能究竟不以輕懈惟以弘誓善權智慧神通之力乃能普備又問云何在第七住寧復親慕塵勞行乎諸菩薩業當以何察答曰佛子從始發意住菩薩地乃至十住咸悉消除一切塵勞禍福之業勸助道元當作是觀猶如佛子別和同道義無所越度故名曰七猶如佛子轉輪聖王乘大寶象遊四天下曉了是非與諸貧窮苦惱之患塵勞雜居解衆雜垢不爲瑕穢所見汙染亦無所犯成人威德捨人間性生于梵天昇梵天宮觀見千界住在梵天顯現光耀不入人間如是佛子從初發意在菩薩住乘度無極皆知一切衆生之行不爲塵穢之所汙染昇奉道堂亦無所犯乃名曰七假使能棄一切諸行

因從第七至第八住亦承清淨菩薩之乘悉了一切衆生之行不著塵勞瑕穢不染永無所犯輒得超度入玄妙法是故佛子菩薩若達此第七住若在經種越一切欲住在彼欲行清淨法不當謂之有塵無塵雖習在欲則無塵勞願如來慧未具所願不當謂之離塵勞也住此地已志性清淨身行清白究竟鮮潔口所言辭心所念行本末清淨其心一切所可念事皆度乘生咨嗟誹謗如來至真有形無形諸所善業諸平等覺所可言教皆悉順從未曾違之無復恭敬樂世俗所有工匠異術猶如第五住菩薩道不好世間普爲師友多所悅可一切所好至未曾有樂至真法住于三千大千世界如來至真等正覺及第八住菩薩道行無有等伦志性所行常懷仁和其意所乘以恒進定及與神通三脫之門皆修專精奉行道門無所希望尚未成就第八菩薩道地住斯地已一切發意遵承權慧咸

(戊五)

(十八)

以具足遠修道品以得菩薩普具之業七住道地遠成開士善擇三昧正受次名善念義定意勝定分別義定審宣法定善住本定慧通門定修法界定若干義藏定生死無爲定菩薩遠此三昧正受如是備悉百萬定意道地清淨因其正受以斯定意遠得權慧又入

大哀無窮之力過聲聞地越緣覺地近行慧門以住此定將順無量身行之業進誦瑞應口言心念亦不可限見諦清淨光明巍巍無所從生法忍又問其初發意得第一住其身口意不普越度聲聞緣覺乎答曰以故勤修弘廣之心行至七住乃能遠成自在已行而

及五

九

無等倡猶如有人生於王家乃爲王子有殊異德爲諸群臣所見奉敬不以自己而放恣行假使長大承已身力超諸臣下所論國位菩薩如是適初發意過諸聲聞緣覺之地心性柔和寬弘無極是爲菩薩七住之地已慧自在入七住菩薩甚爲深也亦寂然也至無

行也身口心也遠得道業不復重進更求義也何所望捨不望不捨乃爲大道也

又問佛子何謂菩薩所住道地也乃至菩薩寂滅成就正真之行答曰已達六住能行斯法乃致菩薩七住道地一時發心心數數念輒致寂滅成就正行不當謂之證於滅盡以是之故身口心行不可思議從其所作此之謂也若有菩薩遊于本際而不取證猶如佛子時彼丈夫乘大舟船入於大海將船之師工有方便知水之宜既行大海不遭水難如是佛子菩薩立行遠第七住乘度無極道法之船遊行本際而不取證以遠如是聖慧勢

力承三昧力成就諸行解覺道意以大善權智慧之力現生死門遊飄滅度心性自然已現其身與眷屬俱往來圍遶在憍闊中而常專精逮致寂定本願之故生在三界不爲世俗之所汙染出入進退寂寞憺怕善權光明靡所不曜無所焦然遠致佛慧退捨聲聞緣

覺之地復佛藏界現在魔界已過四魔遊在其部行度魔事現在異學一切諸邪九十六種六十二見開化外異令捨邪學不違佛道現在一切世間俗業以等道利度世之法示在一切天龍鬼神擬皆和阿須倫迦留羅真陀羅摩曇勒人與非人釋梵四天王隨其習俗莊嚴居服清淨好妙其心不捨法樂之娛斯慧如是具足究暢菩薩道地住於深遠難逮巍巍玄迦之法如是供養供養無量不可計數百千億垓諸佛大聖賓上衣食床卧之具病瘦醫藥所用爲安歸命誓首斯等如來奉受諸佛之道化過衆聲聞緣覺之法獨步

戊五

二十一

無侶所問以時又彼菩薩用攝衆生法忍清淨遂轉顯曜其善德本無央數億百千垓劫乃復益茂清淨赫盛猶如佛子而有奇珍於衆寶中光獨明曜巍巍無侶如是佛子菩薩住斯妙法難逮開士道業以是德本逮成善權智度無極遂更名顯成無上道聲聞緣覺

大士玄妙難逮第七道住菩薩大士若成七住益得自在若爲天王以隨時禁諸所興立行精進業若行布施愛敬仁慈有所勸利等惠利義心常念佛未曾忘捨乃至普慧一切敏智心初不念何時逮成佛最正覺處衆生中而最聖尊導利衆生示一切智發心之頃如是比像精進超絕一時須臾逮致百千億兆載垓三昧正受類諸菩薩億百千垓眷屬圓遙以斯誓力承於菩薩所顯殊特因顯神變莫能稱計以若干億百千垓劫所修德義不可限量時金剛藏說是法已重欲散義即說偈曰

庚五

九一

所不能逮猶如佛子日之弘光月之臺宮光明所照普遍天下皆使豐孰亦能乾燥汙泥之地日月之光亦無蔽礙莫不通利如是佛子菩薩住斯玄妙難逮開士道業其功德本無能逮者德轉巍巍皆化一切聲聞緣覺令壞羞耻除衆塵勞使性清淨是爲佛子菩薩

如是至道住 無塵勞穢行 最勝玄無本

以慧消滅瑕 於世若干品

明達是一切 化住世尊教

諮詢受奉行力 尊御若干品

超越諸聲聞 緣覺行如是

修善薩之行 住本心性行

成就諸聖子 猶長養道力

得入深微妙 心歸趣滅盡

猶如入大海 亦不造取證

一切衆生類 觀見一切水

不能隱德藏 素勝權智慧

益更淨道業 供養億載佛

賢明住此行 無央數珍寶

亦如日盛曜 已入住此地

造修最道義 自在爲聖王

強治精進力 見佛諸佛千

善修慎已身 普見諸十方

功勳尊無限 普世難可了

自由行道緣

是爲第七住 嚴淨善權慧

諸菩薩衆位尊神妙巍巍無量天龍無數人

民間其所說莫不歡喜供養安住華香幢幡

雜成擣香珍寶衣服時立衆蓋不可稱載兩

諸瓔珞諸天在上宣暢妙聲柔軟之音自然

演暢美柔和聲貢奉衆祐及諸佛子咨嗟能

仁聖尊無量皆見至聖人中之上覩佛境界

愍傷衆生其音若雨布大雨響技樂簫成演

若干聲諸佛無限億百千垓帝王國土亦如

恒沙供養諸佛刹土無侶最爲豪富威力能

化入一毛孔諸佛頒宣離垢無窮之法如演

一毛豈復難乎國土處所及四方域若干種

品泉源大海億載鐵圍及須彌山皆自然現

無所逼迮悉入毛孔在中自恣地獄餓鬼及

與畜生諸天人民鬼神衆魅阿須倫罪福各

異俱來會在諸佛境界遊一切國在諸郡縣

自然成現尊妙法輪講說柔軟安住音響衆

生心念如所修行群黎若干其身各異衆祐

國土群黎有身所在成體生天人間各各別
異一切如佛所宣法教消除微想衆垢之穢
興懷道念廣大佛土諸佛神足如是變異一
切世人稱不能暢諸佛如是道慧無窮聲暢
柔和微妙之音時來衆會寂然歡喜咸共觀
敬最殊特聖以知衆會寂莫靜思猶如月蝕
其光還復惟復欲聞第八住地願時演之行
者所入

漸備一切智德經卷第三

戒五

竊鳥故反 謂音謂 談音韻 論音論 摘交音摘交 反懶音懶 呼貞反
圓音有垣也 舜音舜 逸音逸 真音真 睱音睱 下五月觸音觸 下音食